



**CUMUNI DI TARRANÓA
SETTORI PA' PRUMMUÌ LA CULTURA, LU SPORT, LU TURISMU E
L'ISTRUZIONI**

BANDIU PA' LU SILVIZIU CIVILI DIGITALI 2023

E' statu publicatu da lu Dipaltimentu di li Pulittichi di li Cìòani e Silviziu Civile Univelsali lu bandiu pa' li volontari di li progetti di lu Silviziu Civili digitali 2023.

Li candidati pa' operadóri volontari àni di prisintà la dummanda di palticipazioni pal mezu di lu sittu Dummanda *on line* (DOL) chi si pó figghjulà da lu "computer", tablet e telefonu punendi innantu a internet lu 'ndirizzu <https://domandaonline.serviziocivile.it>

Li dummandi di palticipazioni si póni prisintà finz'a li 2 di sirintina (14:00) di la dì 10 di Friagghju di lu 2023.

Li zittadini italiani chi stani in Italia o fóra (in l'estero) póni intrà illu sittu web solu pal mezu di lu SPID (Sistema Pùbblicu di Identitai Digitali). Innantu a lu sittu di l'Agenzia pa' l'Italia Digitali si pòni agattà tutti li infurmazioni innatu a cosa è lu SPID, a cosa selvi e comu si pó dummandà. Pa' intrà illa pagina di lu DOL selvi l'aitu cun lu SPID cun lu livellu 2 di siguritai.

**LI LOCHI DISPUNIBILI PA' LU CUMUNI DI TARRANÓA SÒ 2, DI CHISTI DUI
LOCHI UNU È INGHJITTATU PA' LI CANDIDATI CUN ISEE PIU' BASSU DI 15.000,00
€.**

SETTORI EDUCATIVU-CULTURALI

Lu tantu impustatu pa' lu silviziu civili è di 444,30 € a lu mesi cu' l'accordu di fà 25 ori a la chita pa' 12 mesi.

Pa' pudé intrà illu silviziu civili li candidati àni di sighi chisti punti:

- Aé Cittadinànzia italiana, o in unu di li stati chi facini palti di l'unioni europea, o un Paesi fora di l'Unioni Europea fattu salvu chi lu candidatu campia in manéra regolari in Italia;
- aé cumpritu 18 anni e no aénni più di 28 anni (28 anni e 364 ciurrati) a la dì di la presentazioni di la dummanda;
- no aé autu cundanna cun galera ancora siddhu chi no diffinitiva, pal più di un annu pa' dilittu chena culpa, oppure una pena cun galera di mancu 'mpulanti ma pa' un dilittu contr'a una passòna, oppure pa' tinè, trattà, pultà, traspultà, impultà o espoltà almi vietati e materiali chi pó sciuppà, oppure esse palteccipi a dilitti tippu lu fà palti o fauri gruppi riultosi, terroristichi o di la criminalitai ulganizzata.

Chisti réguli pa' paltecipà s' àni d' aè la di chi si faci la dummanda, francu chissi innantu a l' etai, e s' àni di mantinè finz' a la fini di lu silviziù.

Póni prisintà la dummanda li ciòani chi:

- agghjini cumpritu lu silviziù civili nazionali o universali infattu a un pruzzidimentu di sanzioni fattu a l' enti;
- agghjini cumpritu lu Silviziù civili nazionali o univirsali pa' aè fattu più ciurrati di malattia di chissi chi sò impustati da lu regulamentu, a pattu chi lu trettu di silviziù pristatu sia statu di sei mesi e più;
- agghjini ghjà fattu lu silviziù civili illu programma europeo “Garanzia Giovani”, o illu projektu sperimentali europeo “International Volunteering Opportunitie for All” (oppoltunitai di volontariatu internazzionali pa' tutti) e illu projektu pa' li Ingarrigati civili di paci;
- Agghjini ghjà fattu lu “Silviziù civili regionali” chi è un tippu di silviziù civili impustatu pal mezu di legghji regionali o di una pruincia autonoma;
- illu 2021 agghjini cuminciatu lu silviziù pa' la palteccipazioni a un projektu finanziatu da lu PON-IOG “Garanzia Giovani” e dapói di li cumprói fatti da lu Dipaltimentu siani stati scaltati palchì no s'ghiani li requisiti di l' articulu 3;
- sò stati accittati a lu Silviziù civile in occasioni di selezioni fatti primma e dapói posti in astinsioni pa' ingraidènzia e matelnitai e chi non agghjini cumpritu li sei mesi di silviziù.

No pòni prisintà la dummanda li ciòani chi:

- facini palti di militari e di la ghjustizia (polizia);
- àni cumpritu primma un projektu di silviziù civili nazionali, universali o finanziatu da lu PON-IOG “Garanzia Giovani” primma di la scadenza impustata e si 'óni turrà a candidà a lu mattessi tippu di progetti;
- chi àgghjini un cuntrattu di trabaddhu o collaborazioni pacatu cu' l' enti titolari, o agghjini autu un trabaddhu pal più di tre mesi illi 12 mesi primma di la di di la pubblicazioni di chistu avvisu (valini puru stage pacati o trabaddhi di cassisia galitai).